

10. Marts 2023

UPA2023/102

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Innuttaasut feeriarnermusiassaasa Sulinngiffeqarnermut Inatsit naapertorlugu sulisut sulinngiffeqarneranut takussutissiisumik attaveqarfissanut paasisutissat naammattut pigineqarnerinik qulakkeerinninnissamut periusiliortoqarnissaanik Naalakkersuisut suliaqaqqullugit peqquneqarnissaanik Inatsisartut aalajangiiffigisassaattut siunnersuut.
(Inatsisartunut Ilaasortaq Doris J. Jensen, Siumut)

Tunnngavilersuut

Ukioq kingulleq oktoberi qaammat Naalakkersuisunut §37 naapertorlugu apeqquteqaateqarpunga¹ ukiuni kingullerni 2016 ilanngullugu innuttaasut feeriasiassaat qanoq amerlatigisut tiguneqarsimannginnersut. Aningaasaqarnermut naalakkersuisup akissutaani takuneqarsinnaavoq ukiut tamaasa feeriasiassat tiguneqanngitsoortartut qanoq amerlatigisut².

2016-imi 123.298

2017-imi 2.554.711

2018-imi 1.914.045

2019-imi 2.284.714

2020-imi 3.382.170

Naalakkersuisup akissuteqaataani paasinarsivoq feeriarnerisutit innuttaasunik aaneqanngitsut pisoqalisootullu SIK-p aammalu NPK-p isumaqatigiissutit naapertorlugit aningaasat taakkua innuttaasut pissaralui pissarsiarisaraat aamma Naalakkersuisup akissuteqaataani oqaatigineqarpoq feeriarnerisutit tiguneqanngitsoortarnerannut tunnngaviusoq aningaasanik pissarsisussaagaluartup najugarisamut allamut nuuttarnera kontomillu ilaanni pissarsisinnaasannginneq. Taamatut pisoqartillugu sulisitsisup imal. aningaasaateqarfiit qulaani taasamma pisaraat.

Paragraf 37-mik apeqquteqaatinnut ilanngullugu apeqquteqaatigaara, taamatut pisoqartarnera pinngitsoortinniarlugu Naalakkersuisut pilersaaruteqarnerisut, tassunga tunnngatillugu e-boks aqqutigalugu tigusinngitsoortarneq pinngitsoortinniarneqartoq Naalakkersuisoq akissuteqarpoq. Tamanna pitsaangaluartoq suli eqqarsarnarpoq

¹ § 37-apeqqut nr. 193/2022

² Aamma takuuk §37-apeqqut nr. 52/2023 matumani sukumiinerusumik paasiniaaffigisimasara

aningaasarpasuit inuttassaminnut suli apuutinngittoortartut, taamaattumik siunnersuutigaara tulliani isumaqatiginniarnissamut qulakkeerneqassasoq aningaasat taakkua innuttaasut feeriasiassaat pinngitsooratik inuttaannut annguttarnissaaat anguniarlugu Naalakkersuisut sulissuteqassasut.

Pisortanut aningaasatigut allaffissornikkullu kingunerisassai:

Siunnersuutip aningaasatigut allaffissornikkullu kingunerisassaanut Naalakkersuisut sorlermik periusissiornerat apeqqutaassaaq, taamaattorli naatsorsuutigaara siunnersuut annertunerusumik aningaasatigut allaffissornikkullu kinguneqartinneqarani piviusunngorsarneqarsinnaassasoq.

Inuussutissarsiortunut allanut aningaasatigut allaffissornikkullu kingunerisassai:

Kinguneqassanngilaq

Innuttaasunut aningaasatigut allaffissornikkullu kingunerisassai:

Innuttaasut feriassamik atunngitsuukkaminnik nalunaarfigineqartalernerat pissaaq.